

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 29. stav (2) i 46. stav (1) Zakona o izvršavanju Budžeta Zeničko-dobojskog kantona za 2021. godinu, („Službene novine Zeničko-dobojskog kantona“, broj: 7/21 i 18/21), na prijedlog Ministarstva za privredu, Vlada Zeničko-dobojskog kantona, na 132. sjednici, održanoj dana 03.12.2021. godine,
d o n o s i

ZAKLJUČAK

**o usvajanju Programa utroška budžetskih sredstava Ministarstva za privredu u 2021. godini
(Kapitalni transferi drugim nivoima vlasti - subvencije općinama
za poslovne zone i druge projekte)**

I.

Usvaja se Program utroška budžetskih sredstava Ministarstva za privredu u 2021. godini - (Kapitalni transferi drugim nivoima vlasti-subvencije općinama za poslovne zone i druge projekte), u iznosu 1.600.000,00 KM (slovima: jedanmilionišeststotina konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zaključak stupa na snagu danom donošenja.

PREMIJER

Mirnes Bašić

Broj: 02-11-16083/21

Datum, 03.12.2021. godine

Zenica

DOSTAVLJENO:

1x Ministarstvo za privredu,

1x Ministarstvo finansija,

1x a/a.



PROGRAM
UTROŠKA BUDŽETSKIH SREDSTAVA
MINISTARSTVA ZA PRIVREDU U 2021. GODINI
(Kapitalni transferi drugim nivoima vlasti-subvencije općinama za poslovne zone i druge projekte)

Zenica, decembar 2021. godine

1. ZAKONSKI OSNOV

Izrada Programa utroška budžetskih sredstava Ministarstva za privredu u 2021. godini (Kapitalni transferi drugim nivoima vlasti-subvencije općinama za poslovne zone i druge projekte), propisana je članovima 29. stav (2) i 46. stav 1. Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21 i 18/21).

Budžetom Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21 i 18/21) odobrena su finansijska sredstva u ukupnom iznosu 1.600.000,00 KM (slovima: jedanmilionišeststotinakonvertibilnih maraka) na ekonomskom kodu 615 100 (IAX007)-Kapitalni transferi drugim nivoima vlasti-subvencije općinama za poslovne zone i druge projekte.

2. NAČIN REALIZACIJE

Imajući u vidu raspoloživa sredstva, Ministarstvo za privredu je planiralo utrošak utvrđenih sredstava na slijedeći način:

1. Sufinansiranje otkupa zemljišta u svrhu uspostavljanja/proširenja poslovnih zona

Iznos: 1.600.000,00 KM

Svrha:

Ministarstvo za privredu je u 2008. godine sačinilo Projekat organizacije poslovnih zona na području Zeničko-dobojskog kantona. Od 2009. godine do danas, Ministarstvo za privredu sufinasira izgradnju poslovnih zona na području Kantona na način da sufinasira izradu projektne dokumentacije, izgradnju komunalne infrastrukture unutar poslovne zone, a ove godine pored dodjele sredstava za izradu projektne dokumentacije, planira izdvojiti sredstva i za sufinasiranje otkupa zemljišta u svrhu uspostavljanja/proširenja poslovnih zona.

Organizacija – primalac: Općine/Gradovi (JLS) Zeničko-dobojskog kantona

Kriteriji: Ministarstvo će raspisati javni poziv za dodjelu sredstava u skladu sa Uputstvom o postupcima i kriterijima za odobravanje i dodjelu sredstava poticaja namijenjenih subvencioniranju troškova otkupa zemljišta u svrhu uspostavljanja/proširenja poslovnih zona na području Zeničko-dobojskog kantona na koje Vlada Zeničko-dobojskog kantona daje saglasnost, članom 29. stav (2) Zakona o izvršavanju Budžeta Zeničko-dobojskog kantona za 2021. godinu, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH”, broj: 15/18), u mjeri u kojoj je primjenjivo, kako je utvrđeno članom 47. Zakona o izvršavanju Budžeta Zeničko-dobojskog kantona. Javni poziv, će u skladu sa Uputstvom o postupcima i kriterijima za odobravanje i dodjelu sredstava poticaja namijenjenih subvencioniranju troškova otkupa zemljišta u svrhu uspostavljanja/proširenja poslovnih zona na području Zeničko-dobojskog kantona, tačkom 23.c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava.

Realizacija ciljeva: Realizirati projekte sufinasiranja otkupa zemljišta u svrhu uspostavljanja/proširenja poslovnih zona na području Zeničko-dobojskog kantona.

3. REKAPITULACIJA

R.br.	Naziv programa	Planirana sredstva /KM/
1.	Sufinansiranje otkupa zemljišta u svrhu uspostavljanja/proširenja poslovnih zona	1.600.000,00
UKUPNO		1.600.000,00

PREMIJER

Mirnes Bašić

Broj: 02-11-16083/21
Datum, 03.12.2021. godine
Zenica

DOSTAVLJENO:
1x Ministarstvo za privredu,
1x Ministarstvo finansija,
1x a/a.